



政治典訓初集

卷五十五  
蜀祖一



政治典訓初集卷第五十五

蠲租一

○康熙三年六月庚申

上諭戶部等衙門曰各項錢糧關係國計民生必徵輸起解歷年清楚然後國用有裨軍需不匱小民無催科之擾官員免叅罰之累向因直隸各省自順治元年至十七年拖欠銀二千七百萬有餘米七百萬石有餘藥材十

九萬勛有餘。紬絹布疋等項九萬有餘。先曾  
有旨應作何催徵。作何蠲免。着議政王貝勒  
大臣九卿科道會議具奏。今據奏將河南所  
欠錢糧議蠲免一萬兩有餘。仍徵一萬兩有  
餘。湖廣議蠲免六萬兩有餘。仍徵十六萬兩  
有餘。此累年積欠錢糧。豈盡屬小民之故歟。  
前者假託催徵貪污官吏。科派小民。侵吞入  
己者甚多。此皆貪污官吏侵剋。那移撮借運

糧官侵漁。解糧官役自用。盜賊劫奪。火燒水  
溺等項。拖欠至此。而追徵之時。有將人繫獄  
者。亦有賠補者。亦有實欠在民者。亦有雖遇  
恩詔未得盡蠲免者。今將此項嚴催小民無  
故派徵。見任官空受處分。究竟此拖欠錢糧。  
撥給兵丁兵餉缺額無益。且不肖官役嚴加  
追比。反借端多派小民。朕甚憫之。今將自順  
治元年以來十五年以前所欠銀米藥材紬

絹布疋等項錢糧悉予蠲免。其先經議處官員人等不議外。現在催徵監禁。追比各犯之罪。俱令寬釋。凡假託錢糧害民。皆奸猾書吏。欺官朦朧作弊。難以悉數。殊為可恨。以後貪官奸吏。若將奉旨蠲免款項。復借端苛擾。派徵加等。從重治罪。至直隸各省兵丁。征剿守禦。効力脩極勞苦。唯需糧餉。以資生計。向因新舊兼徵。錢糧不完。以致兵餉亦多壓欠。十

五年以前所欠兵餉。理應找給。但所欠錢糧。俱經蠲免。不必復給。以後兵餉。務按期支給。勿令欠缺。俾兵丁無內顧之憂。乃副朕軍民一視同仁至意。自十六年以來所欠兵餉。俱著找給。如有仍前將應給兵餉。不實給發。及違禁侵剋。那用等弊。必從重按之。爾等即刊刻告示。通行曉諭。俾咸知朕意。

○康熙四年六月丙子

上諭戶部曰○前因山西大同太原及山東濟南  
等府旱災○小民乏食○特將康熙四年應徵錢  
糧○盡行蠲免○今思有司以已經徵收乘機肥  
己○使小民不沾實惠○亦未可知○著該督撫即  
嚴飭地方各官○將康熙四年已徵在官錢糧○  
按冊逐名盡行給還○將給還花名銀數明白  
造冊具奏○不得分釐侵扣○如有肥己侵扣情  
弊○督撫即行察叅○督撫不行嚴察○或科道糾

叅○或地方民人首告○大小各官定從重按治○  
其今年錢糧○有已徵收解部者○或抵來年徵  
收錢糧○或動何項錢糧補給○爾部議奏○仍着  
地方官速刊告示通行曉諭○

○康熙七年二月庚辰

上以奉天府屬承德廣寧二縣居民新經招集○  
素無恒產○六年災傷地畝○額賦全蠲○

○五月丙寅先因陝西平慶臨鞏四府旱澇○

上已命發倉賑濟。尋又以慶陽一府疫癘流行。蠲其租賦。而平臨鞏所屬。部議止。按被災輕重。照例免租。至是御史陳可畏疏言。請如慶陽一體全蠲。部議不允。

上曰。陳可畏疏。請盡蠲臨鞏諸屬見年錢糧。爾部乃稱秋禾收與不收。難以預知。竟置不議。如是則飢饉之民。何以輸納。其更確議。于是

戶部請

勅督撫察明被災地方。悉與蠲除。

上從之。

○六月庚辰。先是陝西西寧及莊浪等五州

縣歲飢。

上已遣戶部郎中馬爾赤哈等發銀米賑濟。至是。巡撫劉斗以莊浪五州縣民無力辦賦。疏請免徵。

上曰。莊浪五州縣百姓飢饉。已遣官賑救。該撫

既稱飢民難辦額賦今年錢糧可即蠲免  
○九月庚戌先是山東莒沂等四十州縣于  
六月地震巡撫劉芳燭以狀聞

上曰山東地震城垣官廨民舍傾圮民人死傷  
甚多朕心深加憫惻應作何蠲恤速拯災黎  
所司詳議以聞于是戶部議分別被災輕重

蠲其額賦

上從之

○十一月壬寅直隸巡撫甘文焜疏言真定  
保定及霸州所屬水災請免本年應徵錢  
糧部議應酌量分數不准全蠲

上曰甘文焜以所屬地方水災殊甚疏請全蠲  
額賦爾部照例具議固是但今歲水患較往  
昔不同應于例外蠲免其再議以聞于是部  
議炤舊例各增免一分後不為例

上曰朕因閱視民生巡行畿甸見保定及霸州



上道所屬州縣小民被災殊甚。深為可憫。今如爾部所議。恐百姓不能輸納。仍致困苦。其被災十分九分者。可全免。八分七分者。可再增一分。免十之四。內有已經徵收者。令留抵明年應徵之數。仍刊布告示。曉諭俾實沾朕愛民德意。

○康熙八年二月壬申。甘肅巡撫劉斗請免平涼等府。康熙二年至五年逋賦。戶部言

逋賦各省間有。若行蠲免。則兵餉漸缺。

上曰。平涼等三府。屢被水旱災傷。其免之。

○五月庚子。

上以陝西西安等七府興安一州所屬州縣。衛所荒地。亡丁。應徵額賦。攤派熟地。見丁賠納。致小民流移。逋賦日積。

命戶部悉與豁除。

○六月丙子。直隸巡撫金世德疏言。文安縣

涿被水災。農民未能耕種。請蠲本年額賦。  
戶部以蠲租事重。宜令撫臣親往勘實。  
上曰。文安水滄地。詔令撫臣速往勘奏。其被災  
之民。恐地方官妄行催科。以致苦累。爾部嚴  
加曉諭。尋世德覆奏。文安縣被水田一千九  
百餘頃。

命戶部全蠲本年額賦。

○康熙九年正月己酉。初。直省廢藩田產奉

旨。免其易價。改入民戶。名為更名地。內有廢藩  
自置之地。給民佃種者。輸糧之外。又納租  
銀。重徵為累。而戶部議以久載全書。不當  
蠲免。

上曰。更名地內自置田土。百姓既納正賦。又徵  
租銀。實為重累。可更議。于是部議與民田一  
例。輸糧免其納租。至易價銀兩。有徵收在  
庫者。許抵次年正賦。

上從之。

○二月癸亥江寧巡撫馬祐疏言桃源縣頻年水災請蠲帶徵六七兩年漕糧部議不准。

上曰桃源疊罹水患民生困苦與他方不同命戶部即與蠲免。

○乙亥山東巡撫劉芳躅疏言海豐縣籽粒項內有包賠銀兩實係有糧無地戶部以

自明迄今徵輸已久不允蠲豁。

上曰此籽粒項內銀兩巡撫疏言實係有糧無地里民包賠爾部仍令徵解是否相協其再議之部臣恐有混冒檄巡撫覆察已而巡撫察取里民結狀具題。

上命盡除其額。

○乙酉總漕帥顏保疏言淮揚所屬高郵等州縣八年復罹災傷其七年漕逋應聽部

議戶部以漕糧例不蠲災仍令改折帶徵  
上曰高郵等州縣災傷與他方不同此未完未  
徵漕糧仍令帶徵恐小民不能輸納益致困  
苦其悉與蠲除

○三月甲戌

上以壽州衛自順治六年大水衛軍死徙田地  
荒蕪戒存月糧銀兩無從徵收  
命戶部豁免仍令漕臣設法招墾

○閏二月壬子

上允戶部議免山東沂州等四十州縣衛及信  
陽等三場起存項下銀二十二萬七千三  
百有奇以七年地震被災故也

○十一月癸未江寧巡撫馬祐疏報蘓松二  
府所屬州縣夏秋災荒部議駁令勘實以

聞

上曰今年江南水災較他歲為甚其被災情形

○ 曾經科臣柯聳陳奏○今巡撫身在地○既稱  
蘓松府屬有地處低窪見今滄沒者爾部復  
議行察○恐致遲悞○災民困苦○馬祐所奏○其再  
行詳議○尋部臣覆稱○太倉等十二州縣○按被  
災○分數如例蠲免○其本年額賦已徵者○留  
抵次年應徵之數○

上從之○

○ 十二月戊戌○先是江寧巡撫馬祐疏報淮

揚水災

上遣侍郎多諾○亟往察勘賑濟○又

諭戶部曰○淮揚所屬州縣○歲比不登○屢屢朕懷  
今年又遭水災異常○黃淮交漲○隄岸衝決○百  
姓室廬多被淹沒○夏麥未獲○登場○秋禾播種○  
水潦難施○民生失所○特遣部臣察勘○令勸支  
正課○及存積銀米○速加賑濟○計被災之民○耕  
獲既廢○何以輸糧○如再加催科○愈不堪命○淮

揚所屬被災州縣今年應徵額賦爾部速行會計酌議蠲免以副朕恤災愛民至意至是戶部覆言被災八分九分十分者全免餘如例

上曰淮揚所屬州縣頻年水患被災甚重民生困苦深軫朕懷故于例外特行蠲免督撫可嚴飭所在官通行曉示務使民需實惠以副朕軫恤災民之意

○康熙十年四月癸卯

上曰順天文安縣八年水災淹沒地畝賦已全蠲今積水未涸其九年以後額賦悉予蠲免

○十月乙巳浙江巡撫范承謨疏言臨海太平平陽石門烏程五縣及溫州一衛民欠康熙元年及二三年行月等項積逋難完

援

赦請豁部議以

恩詔無蠲免漕項錢糧之款不允所請

上曰漕項雖例無豁免但此項實在地丁內抽扣原非起運漕糧積連年久且疊罹凶荒若仍追徵恐滋民累爾部其再議以聞尋戶部奏覆如巡撫請悉與豁免

○康熙十一年三月甲戌

上以江南興化九年水災賦已全蠲積水未涸其十年額賦仍

命戶部悉與蠲免

○五月辛亥

上以山東曹單二縣開引河挖傷地七十餘頃命戶部蠲其額賦

○八月甲辰

上諭戶部曰江南高郵寶應江都興化鹽城五州縣大水堤決衝滄田地八萬四百餘頃其本年正賦暨漕糧諸項可悉免之

○九月辛巳

上曰江西廬陵吉水上高寧州四州縣暨南昌九江衛頻年荒旱災疫流行荒蕪田地五千四百餘頃命戶部蠲其逋賦仍勅巡撫速行招墾

○康熙十二年六月甲子

上諭戶部曰江南泰州積水決堤滄沒田畝正賦已悉豁免尚有牧馬場租等雜辦銀兩小

民無從措納可并除之

○九月丙戌

上曰山東寧海州荒蕪地二千七百餘頃逃亡戶三千餘丁累年逋賦小民力難賠補自康熙九年以後錢糧如數悉為豁免仍勅巡撫設法招徠勸墾

○十二月戊午初江寧巡撫馬祐言修築黃河堤工挑挖壓傷邳州失業田地甚多請



永蠲其額賦部覆俟察明到日再議。  
上曰邳州失業田地實被堤工挑挖壓占傷廢。  
難以耕種已經勘明具結可再議以聞部議  
遵

旨分別壓傷田地一百二頃二畝零准與豁免  
上報可

○康熙十三年正月乙酉  
上以江南淮安衛屯田三百二十餘頃十二年

水災為甚

命戶部于定例外再蠲二分實蠲屯賦十之五  
○癸巳

上以江南清河縣十二年被水田三千二十餘  
頃額賦雖已全蠲尚有續報災田六百三十  
餘頃水滄亦同

命戶部盡蠲其賦并漕糧漕項一例豁免

○甲午

上以河南輝縣水衝地九十餘頃歷年正供俱  
係士民賠納

命戶部蠲除之

○二月戊戌

上以江南丹徒金壇二縣坍荒田地正供無辦  
命戶部議部議丹徒坍入大江田四十餘頃永  
行開除餘田檄巡撫修堤防護三年後起  
科金壇積荒田七百二十餘頃勸民開墾

其二縣十一年分逋糧俱停徵

上報可

○三月甲申

上曰浙江臨海黃巖太平寧海四縣歷年未完  
銀三萬五千餘兩錢二百七十餘萬米六千  
餘石俱積荒無徵可如數蠲免

○康熙十六年五月己丑

上以江西寧州南昌等二十三州縣康熙十五

九年夏水災

命戶部按被災分數蠲其額賦

○康熙十七年五月己未

上以浙江西安等十六縣及台州衢州二衛所  
遭閩賊之亂難民流離失業

命戶部議自康熙十五年以前未完錢糧悉與

豁免

○六月乙未

上以江南徐州夏災

命戶部蠲本年額賦如例

○十一月庚戌

上諭內閣學士噶爾圖屯泰曰遵化州所屬有  
附近湯泉之婁子山袁各庄啓新庄石家庄  
梁家庄此五庄供辦徭役其一年地丁錢糧  
俱令蠲免如今歲已經徵收准于來歲蠲免  
至鮎魚關城內外居民七十一家免其一年

正供外仍每戶賜銀二兩爾等從戶部支取親閱分給所蠲錢糧令州官即遍諭婁子山等五庄及鮎魚關居民務使均霑實惠

○康熙十八年四月庚午

上以宿遷縣水沈田二千三百八十五頃有奇

自康熙十一年至十四年未完起存正賦

漕糧等項小民無力辦納

命戶部悉予蠲除

○庚寅

上念蘓松諸郡賦煩民困因特頒

諭旨曰江南財賦繁多如舊欠無徵之額更行

追比恐累小民其康熙十年至十二年錢糧

俱與蠲免其十三年以下至十六年錢糧俱

令于十九年始分年帶徵以紓民加撫臣通

行曉諭務令均霑實惠以副朕休養斯民至

意

○十月庚寅先是護理江西巡撫印務布政使王新命疏言江西自變叛之後殺戮逃亡人丁七十餘萬口荒蕪田地十七萬餘頃迨十七十八兩年冬春之間雖已招補開墾而荒耗者過半○暫請開除部議不准上曰江西人丁逃亡田地荒蕪可再確議以聞於是部臣遵

旨豁免十七十八兩年荒田缺丁錢糧如新命

請

○辛卯

上以浙江衢州溫處四府十七十八年荒田絕丁額賦小民無力完辦

命戶部悉蠲除之

○十一月乙巳先是

上諭戶部通州三河等處地震重災地方行令該撫察明應免民間錢糧至是直撫金世德

疏言通州三河平谷災最重。其次香河武清永清寶坻。又其次薊州固安。部議災重者全蠲。其次蠲十之三。又次蠲十之二。上謂大學士等曰。地震之處。地方被災頗重。深可矜憫。其錢糧宜如所請。即與蠲免。復

諭曰。通州三河等處所蠲地丁錢糧。可令巡撫率所司官殫心料理。務俾小民得霑實惠。以副朕軫恤災傷之意。

○康熙十九年三月甲寅

上以江南淮揚二府屬山清等八州縣疊罹水災。

命戶部將山陽鹽城等六州縣十八年涸田七萬三千二百二十九頃六十餘畝。所有額賦于二十年起科。災民丁銀免徵。其興化縣泰州涸田六千七百七十頃九十餘畝。去年復遇旱蝗。地丁額賦悉蠲之。

○康熙二十年五月戊寅

上謂大學士等曰宣府大同諸處今雖得雨田禾長盛但三月中大風壞麥不得收刈民間甚飢雖行賑恤猶未能蘓若仍徵取地丁錢糧民不能完必至重困爾等與戶部議所以賑恤之戶部尋奏太原大同宣府三處應徵新舊額賦俱請蠲免仍令撫臣速議賑濟上曰前撫臣疏稱飢民因得賑濟又得雨澤不

至流離各圖生業以今觀之殊為不然應徵二十年諸項錢糧及歷年帶徵錢糧可概行蠲免戶部仍遣賢能司官往同巡撫設法賑濟務使均霑實惠其令確議以聞

○己卯

上諭戶部曰前因大同等處地方自去歲飢饉百姓無食流離失所已發銀二十萬遣官賑濟又將應徵房稅悉與豁免務期小民家室

復完不失故業。今復遣官察者。閭閻尚多逃  
亡。田土仍然荒棄。耕種無資。衣食奚賴。朕心  
深為憫惻。所有本年應徵地丁各項正賦。併  
歷年帶徵拖欠錢糧。盡行蠲免。但小民困苦  
已極。猶恐無濟。此外有何應行事宜。可以速  
拯災黎。俾得存活者。爾部即行詳議具奏。以  
副朕軫恤百姓至意。

○九月己巳

上諭戶部曰。頃者朕巡行近畿。至霸州地方。見  
其田畝窪下。多遭水患。小民生計無資。何以  
供給正賦。其見在被淹田地。應徵本年錢糧。  
可察明酌量蠲免。以示朕勤恤民隱至意。

○康熙二十一年二月壬午

上以廣西桂平等七府屬十八年地丁額賦。民  
欠十之二。已俱豁免。而柳州府復遭馬逆  
變亂困苦為甚。



命戶部議如桂平等府例蠲除。又慶遠府恢復。在十九年。其十八年額賦全免。

○庚子。

上以江南沐陽縣水渰田地。尚未涸出。逃亡人

丁○亦未復業○

命戶部議二十年額賦。仍行蠲豁。海州宿遷等

州縣未涸田租亦並免之○

○九月壬戌○

上謂大學士等曰。自用兵以來。百姓供應煩苦。

朕前屢言。俟天下蕩平。將錢糧寬免。今歲各

處所報災傷甚少。爾等可同戶部先通筭天

下錢糧出納之數。送覽。至陝西一省。供應較

他省苦累更倍。尤宜寬免。

○十一月丙午。廣東巡撫李士禎疏言。渡口

鹽埠等項。共增銀六萬五千餘兩。及尚之

信別項私徵。均請豁免。九卿等會議覆以

應如該督撫言

上從之

○乙卯先是川撫杭愛會同總督哈占疏言  
前撫臣羅森捏報墾地五千六百一頃四  
十畝原非實有開墾因請豁免吏部議不  
准

上曰此案爾部問明羅森即行議結于是部覆  
據羅森稱當日開墾地畝俱有了糧冊籍

可據後因賊亂民丁逃亡並非捏報所有  
錢糧仍應照數徵取

上曰此捏報墾地錢糧令如該撫所題豁免  
○康熙二十二年四月辛巳

上諭戶部曰黔省為滇南孔道地瘠民貧大兵  
凱旋輓輸芻糗供應人夫極其浩繁且起解  
吳逆家口絡繹運送不無苦累恐小民竭力  
供億生計艱難朕心深為憫惻所有本年秋

冬及來年春夏應徵地丁正項錢糧盡行蠲免以示朕勤恤民隱至意

○九月乙亥戶部覆奉天將軍伊巴漢所題  
錦州寧遠水手遷移巨流河其運送米石  
時請免徵錢糧應不准行

上曰水手運送糧米往來甚屬勞苦其運米時  
地丁錢糧可俱蠲免

○十二月甲寅

上諭戶部曰陝西西安甘肅等處前大兵征勦  
之時轉輸糧糗辦運芻茭一應軍需取給閭  
里小民由陸路供億勞費煩多今既經蕩平  
朕心時切軫念康熙二十三年應徵地丁各  
項錢糧令蠲免三分之一以昭朕惓念民生  
勞苦之意又山西崞縣忻州定襄五臺代州  
振武衛地震被災頗重雖遣官賑濟仍應酌  
量加恩以示軫恤被壓身亡民人所有康熙

二十三年應徵地丁錢糧可與全免其房室  
倒塌力不能修者丁銀全免地畝錢糧免十  
之四爾部速行地方官曉諭小民務俾各需  
實惠如有司官役借端朦混私行重徵者或  
經叅奏或被告發將所司官從重治罪

○康熙二十三年九月辛未戶部題二十二  
年興平倉贏米二千七百餘石

上曰近見糧米充積倉不能容故俸糧于六月

支放來年米到無地收貯何以料理得宜大

學士明珠奏請增建倉廩

上曰米在倉內太久沓爛必多數年以來百姓  
旗丁亦屬困苦今應酌量裁減漕糧以甦民  
加日後或有需米處給發錢糧採買運送亦  
不遲悞爾等會同戶部確議以聞

○康熙二十四年三月辛巳

上謂大學士等曰朕南巡時見閭閻疾苦深為

軫念所經地方如此他省可知今國帑充裕  
朕欲蠲直省明歲租賦以紓民困爾等會同  
戶部預行確議俾天下均霑實惠其直隸順  
德等府正值饑饉况供應甚多徃後殷繁當  
即議蠲俾拊循得所但時已春暮錢糧或已  
徵在官否王熙奏言此時蠲免亦未為晚

上曰爾等會同戶部議奏

○四月戊戌大學士及戶部諸臣奏言

皇上軫念民間疾苦蠲租賑貸古帝王如傷保  
赤之念無以加茲臣等酌議直隸順永保  
河諸府圈占地方應徵康熙二十一年地  
丁錢糧已奉

旨蠲免所有直隸八府康熙二十三年未完地  
丁錢糧乞盡豁除其順永保河諸府未圈  
占地方及真順廣大諸府康熙二十四年  
各項正賦請蠲三分之一

上問曰康熙二十三年八府未完地丁錢糧為數幾何部臣奏曰約六十餘萬

上又問曰康熙二十四年所免三分之一為數幾何部臣奏曰約五十餘萬

上曰朕御極以來早作夜思惟以愛養民生為急邇來四方大定猶恐民氣未復時屢朕懷軍國之需止在樽節制度自可足用必使百姓樂業家給人足無一夫不獲其所始慰宵

旰之憂况畿輔重地頻年旱災尤可憫恤所奏俱如議爾等速移文各有司俾實心奉行務使人霑實惠以副朕恤民至意

○辛丑

上諭戶部曰朕撫御方夏愛養黎元早作夜思勤求治理閭閻疾苦無時不深軫念欲使民生樂業比屋豐盈惟有寬賦蠲租萬民得霑實惠直隸地方頻遇旱災小民匱乏宜加恩

恤順永保河等處圈占地。方應徵康熙二十一年地丁錢糧。已經詔行蠲免。所有直隸八府康熙二十三年未完地丁錢糧。盡與豁免。其順永保河未經圈占地方。及真順廣大等處。康熙二十四年應徵地丁各項正賦。俱免三分之一。爾部速檄該地方官。通行曉諭。務使人人得被膏澤。以副朕勤恤民隱至意。如有不肖有司。借端朦混。私行重徵者。或經參奏。

或被告發。定行從重治罪。

○十月庚寅。安徽巡撫薛柱斗題報鳳陽泗州等四州縣水災。

上曰。泗州諸處水災最大。民甚苦之。其速令戶部侍郎蘓赫往勘具奏。尋蘓赫回奏。請以運丁所餘米麥賑濟。

上謂大學士等曰。欲民得被實惠。莫若蠲租。前已諭令詳察各省錢糧。于來歲蠲免。朕南巡

時觀宿遷邳州百姓○今歲尚可支吾○淮揚諸處飢民○已經被災○官糧何能辦納○若僅免本年額賦○則百姓霑恩無幾○惟併來歲盡與蠲除○庶于災黎大有濟也○且直省遇災○前亦蠲免租賦○爾等可會同戶部○將被災地方所蠲賦額○一併察明詳議以聞○

○十一月乙酉

上諭戶部曰○朕惟自古帝王○統一寰區○懋宣德

化○必于惠元元○勤求民瘼○俾幹止寧○成家給人○足而後世躋雍熙○治臻上理○朕念切民依○思培邦本○雖編氓漸得遂生○而閭閻正資惠養○欲使羣生樂利○比戶豐盈○惟頻行減賦蠲租○庶萬姓得霑實惠○前此用兵以來○河南湖北兩省民人○轉輸供億○勞費繁多○特沛仁恩○以昭軫恤○所有康熙二十五年應徵地丁各項錢糧○可免其半○其康熙二十四年未完地



丁錢糧盡與豁免。又直隸獻縣河間縣河間  
衛江南宿遷縣興化縣邳州鹽城縣高郵州  
山東郟城縣魚臺縣地。加今年水災甚大。小  
民艱苦。亦應加恩軫恤。所有康熙二十四年  
秋冬二季康熙二十五年春夏地丁各項錢  
糧。俱與豁免。爾部速行該地方官。通行曉諭。  
務使人人均被恩膏。以副朕愛育羣生至意。  
如有不肖有司。官役借端朦混。及私行重徵。

者。該督撫指名題參。從重治罪。

○康熙二十五年九月丁亥。戶部會同大學  
士。將直隸福建河南四川貴州地丁錢糧  
數目。繕摺呈

覽。

上曰。順天永平保定河間。比之畿南四府。差徭  
加倍。河南福建四川貴州。先經賊踞。百姓凋  
殘。皆朕所軫念。地丁各項錢糧。應行蠲免。爾

等酌量詳議以聞翌日覆奏順天四府似應蠲免湖南四省議將二十六年下半年及二十七年上半年豁免但恐蠲免既多解部者少

上曰今解部錢糧果足用否科爾坤奏曰照常支放亦可足用

上曰既屬足用此等地方俱應蠲免以昭朕子惠元元至意

○康熙二十六年四月戊午戶部以楚督徐國相言楚北向因用兵籌餉加徵茶鐵稅均屬賠累應如所請免徵

上曰此免徵稅銀可曉諭小民務令得需實惠如有不肖官員仍行私徵者該督撫指名題參從重治罪如督撫不行糾參別有發覺者將督撫一併嚴處若各省有如此等加徵稅銀亦應免徵其察之

○九月乙未大學士等會戶部奏蠲免江寧  
七府陝西全省錢糧合計六百萬有餘  
亘古以來未有如此之多者臣等不敢輕議  
伏候

睿裁

上曰朕從愛百姓起見六百餘萬未足為多也

○十一月辛丑

上諭戶部曰朕惟自古帝王統御萬方又安九

有殫心懷保節愛攸先期乎物力充裕爰以  
加惠黎元俾膏澤旁流咸蒙美利朕自御極  
以來軫恤民依力圖休養惟理財為裕國之  
大經蠲貸為愛民之實政歷年敦崇節儉嚴  
核浮冒蓋欲為布德行惠之資頻年以來各  
省錢糧雖已次第蠲免但江蘇所屬各郡縣  
為財賦重地額徵錢糧甲於他省且累歲輸  
將供億効力惟勤茲用大沛恩膏除漕項錢

糧外所有康熙二十七年應徵地丁各項錢糧俱令蠲免。二十六年未完錢糧亦悉與豁免。又陝西省錢糧前雖已行蠲免，但人民當用兵之際，轉輸餽餉，効力可念，再宜加恩，以弘樂利。其康熙二十七年應徵地丁各項錢糧及二十六年未完錢糧亦俱與豁免。爾部速行該地方官通行曉諭，務使小民均霑實惠，以副朕愛育蒼生至意。如有不肖有司官

吏借端朦混及私行重徵者，該督撫指名題參，從重治罪。如該督撫徇隱不行糾舉，或經參奏或被告發，定行一併從重治罪。



